

Chindoto na Amaroro

Ichuma, 20-5-2016

Obochenu ase Omotongi o Kare na Kare!
Chindoto na Amaroro Namba 1

(1) **OBOTOMWA**
borarigwe ase YOUTUBE na
kera aase ase eintaneti.

(2) Buna Esabato yareng'e ang'e koera, naende buna risase riareng'e korwao erio ritigere obotuko ribaga, YESO akanyorokereria igoro y'ebikorwa bi'omoerio ebio birabanyore "Abatigari" ba Filadelfia.

(3) Agantebia ng'a ebikorwa bi'ebimanyererio bitano na bibere (7) ngochia bire koigoka ekemo ase ekende:

NG'ANG'E BIRE!

(4) Omomalaika oreng'e ase obokoreri, oyio Omonene aeire ebuku y'ebimanyererio bitano na bibere (7) bisansoire, akayesoma.

(5) Ekeri areng'e gosoma ekemo ki'ebimanyererio giasansoire, nkamanya ng'a nigo areng'e gokwanera egekorwa gi'okoirokia mono ase "abatigari" b'Oyo Kare na Kare.

(6) Agatiga gosoma na, ore nobosio bw'omoichano, agatebia YESO:

**"Beariganirie,
beariganirie!"**

(7) Ore nomoichano, YESO akamotebia agenderere nogosoma.

(8) Buna nareng'e ang'e korika, omwana o Nyasae akarusia ogosoma korwa ase ebirengererio bianne. Korende nkainyora eki YESO antebetie nyuma totaratananekana oyomo ase oyonde:

Akanyigorera enkoroyaye.

(9) "Tari baria bakorenda Chumapili na babwate chipikiseli ime ase emebere yabo; tari barabwo Yohana agokwanera aiga."

(10) YESO agantebia, "Nigo tore totaare koreng'ana buna twegenete, korende omochando noyo, nabadibentisita be rituko ria 7. Batiekire

kobwatana **NOMOBISA O KRISTO**. Nigo bagendererete gokora emeremo y'omobisa o kristo."

(11) "Ina mogeche nabanto aba ase engencho yane, nenchoka negende na ekore **ESEGI MAMINCHA**

Y'ABATIGARI BA OMOCHI KARE.

Naye amo na bamura nabasubati bamino b'ekanisa ya Filadelfia 'Entigari'."

Chindoto na Amaroro Namba 2

(1) "Na enchoka ekaba nendamwamu nomokungu, omoriakari one, 'omotigari,' nagende na gokora esegi na 'abatigari' boroiboro rwane."

(2) Aiga YESO akang'a okwerwa na goteba ng'a anene mono omochando nigo ore nabadibentista kobua Abakatoliki, Abaprotesitanti, Abancheliki, Yehova Witness nabande nabande.

(3) Omochando nigo ore ime y'ekanisa eye ya Abadibentista *mono* kobua abanto b'ense abwo batabwati Esabato y'Omochi Kare.

(4) YESO nigo akoraria: "Chidini echi nchibe birori ng'a abadibentista bakorire esegi na Nyasae obo Yehova."

(5) Omonene agantebia,

**"Ching'enang'eni
nchigwe,"**

(6) "Ching'enang'eni echi mbarabi?" Agateba, "Nigo bare abadaeregita ba abadibentista b'Obomenyo bwa Ellen White; amo nabarabwo abakundekane, bakobwatigwa nababwatani be chikanisa echi chia abadibentista".¹

¹ Inee, chikanisa nchiancherane nobotomwa bwa Laodekia? Inee, **mbaonchoke**, gose **nigo baragenderere ime y'ebibe**, nonya obotomwa bwa beene mono bw'ekeene obotomwa bw'omomalaika o gatato- bogendererete korarigwa gochia ase ense? Obo nabwo obotomwa bw'omoerio bw'amabera, egekurero ki'omoerio gochia ase ense egwete. **Onye ekanisa ya Nyasae ekoba igatwa rirorio tebwati**

ogwancherwa ase Nyasae nonya ng'ake goetania buna chikanisa echio chiorokirie ng'a chiagure na chiabeire obomenyo bw'ebirecha na oboagacho bwa kera omoika bw'eubi na oboagacho bwa kera enyoni etachenegeti na y'okogechia. Baria banyorire ribaga ri'okoigwa ekeene na kogiancha naende abwo babwatanire nekanisa ya abaadibentista, bakweroka abarendi bamachiko a Nyasae, **korende batabwati nguru chinde nokwerwa ase Nyasae kobua chikanisa echi chibwate erieta rioka, mbanoyore amaakwa a Nyasae** amaene buna chikanisa chiria chikoengereria amachiko a Nyasae. Baria boka **bachenirwe goetera ase ekeene** nabwo barabe abamo benyomba yekeruoti ase obomenyo bwa igoro abwo **ase kristo achire koariganeria baria bamwanchete na korenda amachiko aye.** 19 *Manuscript Releases*, page 176.1.

Bonsi abagoteba ng'a nabadibentista bare abwo bare abarendi-b'Esabato, ko nonya nabo **bagendererete gokora ebibe** nigo bare abang'ainereria ase obosio bwa Nyasae. Enchera yabo y'ebibe nigo egendererete koba mamincha y'emeremo ya Nyasae. Nigo bagendererete koraa abande gochia ase ebibe. Ring'ana riachire korwa ase Nyasae gochia ase kera omobwatani bwe chikanisa chiaito, "Mokorere amagoro aino chinchera chindonge, erinde ekerema tigtantanigwa korwa ase enchera; korende kobua mono, kegwenigwe. **Rigia koba nomorembe nabanto bonsi, rigia obochenu, ekiagera onde taiyo oramorore Omonene otari naborobwo:** Morigererie mono ng'a onde taremerwa obuya bwa Nyasae; omori bw'obororo tocha gokumbaria na kobachanda, na abange batambokerigwe ogotacheneka ase ayio; morigererie ng'a onde taba omotomani, gose oyotamosigeti Nyasae buna Esau, oyoonetie omwando oye bw'okoiborwa kw'obotangi ase endagera eyemo. Naki mwamanyire buna ekeri achiete korigia omwando bw'ogosesenigwa korwa nyuma akangwa, tanyora ribaga ri'okoonchoka nonya oririgietie mono namariga." [Abaibirania 12:13-17]. 19 *Manuscript Releases*, page 177.1.

Omonene tari koa abanto baye emeremo y'obokoreri ase ekeombe ekio getanyore ogokonywa gose batakonye abande goetera ase okwegena kwabo gw'okweoria igoro y'ekeene. **Rero iga, chikanisa echi chibwate erieta rioka nigo chire emeika y'eubi, amaagacho akera enyoni etachenegeti na y'okogechia.** Emeremo nigo ekona koba nobotantanu egekogera abaonchogete **na abataonchogeti babwatanire ime yabo.** Onye abanto bareo abwo barakore emeremo y'ogokoreri baria bekerengo gia inse mono, abanto abwo Nyasae aeire emeremo y'ogokoreri emeganda ase chinchera ao ao,

tiga aba baonchogete bagende ase ense na basangererie korwa ase ense ebitoki biria biganeiri ase ogokora emeremo eye. Tibanara komenyera ebitoki ebio Nyasae abegeete birende emeremo y'enchili. 20 *Manuscript Releases*, page 252.3.

(7) **"Mbabatunyane, na kobaira ase obosio bw'ebigambero (amatongo), naende mbabageche ase engencho yane na ase engencho y'erieta riane amo na tata one oyio ore igoro."**

(8) **"Abanto aba nigo bare amo nomobisa o kristo."** Okwo nakwo okomaanoka korwa ase YESO.

(9) Abanto aba nigo baraire YESO koba ribaga ria saitani, na saitani ribaga ria YESO.

(10) Nigo baganyete okoirana gwa kristo, masihi. Nigo barang'aineke (bang'ainwe) nomong'ainereria saitani omonyene. Omong'ainereria oyo nigo araturubanie abaadibentista mamincha ya "abatigari" ba Omochi Kare.

(11) Erio Abadibentista mbachake gochanda abatigari ba Omochi Kare, oroiboro rwaye igoro ase ense.

(12) **SAITANI obwate OMOYIO** ase okoboko kwaye, naraae abadibentista aba. Abanto aba amo nere *mbarwanie* "abatigari" aba abake nomoyio.

(13) YESO agantebia,

"Toba nobwoba.

Etukia nonya neyemo teiyo eragwe korwa ase emetwe yaino!"

(14) **"Abaadibentista nao bare nomobisa o kristo mamincha ye Chindoto na Amaroro chia Jeanine Sautron. Ogochandwa oko nkogenderere koigoka bosio**

BW'OBOTONGI obogima."

(15) Saitani obwate omoyio, amo nabadaeregita aba mbache amo mamincha ya "Abatigari" aba abake kobasiria bibibi korwa ase obosio bw'ense.

(16) Saitani, omobisa o kristo, naraae abaraai abanene amo na abakundekane.

(17) Erio YESO agakora okoraria oko asende:

“Onde taiyo oramichorie ime ase amaakwa!

Ekeru barabe bateneine igoro ase amagoro abo, amaiso abo nagunde ase chingoro chiabo ime, nechimeme chiabo nchigunde ime y’emenwa yabo. Onde taiyo oraminchorie!”

Chindoto na Amaroro Namba 3

⁽¹⁾ Ase amaroro, saitani omobisa o kristo, kare nomoyio bw’okonyenya nigo arenge gosuka ang’e gocha asende erio ang’ite.

⁽²⁾ Nkarora ching’enang’eni chikogwa korwa ase erioba. Nigo narenge inse y’amaakwa y’ebimanyererio bitano na bibere (7). Igoro ase ense nokonyenywa kwarengeo. Ime y’amanani, ebitei, amarioki amo nechigasi mbiarenge. Ense nigo yarenge ekebemberi ki’omorero. Ekemeri ekeroro kegasamba ense.

⁽³⁾ Saitani buna aoboete gokwa, akandora na kondindokera omonyene nomoyio oye okonyenya.

⁽⁴⁾ Nigo narenge koiguswa, amagoro akambora; akaba buna chimboba chinyerere. Ekeru narenge ang’e goakera inse, omomalaika one omorendi agatenena ase ensemo yane, omomalaika bwe chinguru chinyinge mono, na nigo narigereretie, na goetera ase eriogi riaye rigiya mono na ri’obokanyeku, nkamomanya

YESO oyio oteneine bosio bwa saitani.

⁽⁵⁾ Ere [saitani] agantiga, agantianera nomoyio oye bw’okonyenya na gontebia, “Ntindakorana naye; tindakorana na ‘abatigari;

NIGO MBWATE ABADIBENTISTA

AMO NABARAAI BABO ABANENE.

Rigereria omoyio oyo; ngochia nde gosiria kegima ‘abatigari’ ba Omochi Kare.”

⁽⁶⁾ Agatebia YESO, “Nigo erabe esegi gati yao nainche goetera ase abachenu bao, ‘Abatigari’.”

⁽⁷⁾ Ekeru arenge kogenda gochia aaria, ekeru eke ngakwana, mbetereirie nomoika o Nyasae:

“Gwatiekire kobugwa!”

⁽⁸⁾ Agatebia YESO, “Tingotiga korwana. Omobisa o kristo nao are ime y’ense amo na abadibentista. Bangire amanyinga a YESO, batindacheire inse obwanchani bwaye; abamochi ba amanyinga y’Omonene, abamochi ba ‘abatigari’ na y’Abayahudi. Ning’irane ase engencho y’ogoitwa kwa abanto abange mono goetera ase okobasamba”.

Jeanine Sautron